

La Béfana

*Da dderéte a la funèstra de casa mija
warde fisse fisse fóre nu póche appapagnate.
Nge sta nu crestejane stanòtte nd'a sta vija,
sóle nu cane dind'a nu pertóne sta accuwacciate.*

*Nu vendacce fa ndrundulejà l'uneche lambejóne,
i frónne de nu pedale fane a scjarra tra lóre e lóre.
Na jatta arrecegnata warda che tanda cumbassióne
nu sórge ca li passa nnanze e ce métte a córre.*

*Ógn'e ttande qualch'e pambanèdda
da u céle cade e appéna ndèrra ce pósa
ce scjògghje e mbussa rumane la chjanghetèdda
ma dòpe n'aspètte n'awuta cchjù sustanziósa.*

*Case, palazze e vanneccule so' ttutte mmarrate.
U céle a ppóche a ppóche ce fa sèmbè cchjù scure.
Li serate ca ce facéva tarde so' ppassate
e mó ce vane a cluquà prèste i crejature.*

*Me cumbare na murèja, pare na vecchiarèdda
chjecata nnanze, curve li grina,
a ccavadde de na musciarèdda,
ca pórtà nu sacche ca ppare de farina.*



*Nge véde bbóne, u vétre jè mbagghjate
e che nu facciulétte li dénghe na puluzzata.
Warde n'auta vóta fóre ma nènd'è ccagnate
sóle ca la vecchiarèdda u vóle à pegghjate.*

*Me sònghe ditte: “Respigghjete, jè stata na vesióne!”
Eppure jéva jéssa! Quésta jè vecchiaja! Madónna mija!
Mmèh! Fòrse jè pròpje luwére ca jjéva suggestióne.
O scème! Ma quésta jè la nòtte de la Bbufanija!*

*Oh! So' jòmmene óramaje! Pérò prima de jì nd'ó létte
dind'a u fucarile ciaje mèsse duje belle cawuzètte.*

